



МОНГОЛ УЛС
ХЭНТИЙ АЙМГИЙН ЗАСАГ ДАРГЫН
ЗАХИРАМЖ

2022 оны 09 сарын 13 өдөр

Дугаар А/462

Хэрлэн сум

Арга хэмжээ зохион байгуулж,
хөрөнгө зарцуулах тухай

Монгол Улсын Засаг захиргаа, нутаг дэвсгэрийн нэгж, түүний удирдлагын тухай хуулийн 66 дугаар зүйлийн 66.1, Төсвийн тухай хуулийн 14 дүгээр зүйлийн 14.2.3, 2020 оны аймгийн иргэдийн Төлөөлөгчдийн Хурлын 2 дугаар хуралдааны аймгийн Засаг даргын 2020-2024 оны үйл ажиллагааны хөтөлбөр батлах тухай 06 дугаар тогтоол, 2021 оны аймгийн иргэдийн Төлөөлөгчдийн Хурлын 8 дугаар хуралдааны аймгийн 2022 оны төсөв батлах тухай 4 дүгээр тогтоолыг тус тус үндэслэн ЗАХИРАМЖЛАХ нь:

1. Аймгийн Засаг даргын үйл ажиллагааны хөтөлбөрийг хэрэгжүүлэх зорилгоор уламжлал болон зохион байгуулагддаг "ХЭНТИЙН НАМРЫН БАЯР-2022" нэгдсэн арга хэмжээг 2022 оны 09 дүгээр сарын 16-аас 2022 оны 9 дүгээр сарын 17-д "Чингис хотод" зохион байгуулахад 3,000,000 (гурван сая) төгрөгийн хөрөнгө зарцуулсугай.

2. Арга хэмжээг тэмдэглэн өнгөрүүлэх ажлын хэсгийн бүрэлдэхүүнийг нэгдүгээр хавсралтаар, удирдамжийг хоёрдугаар хавсралтаар, арга хэмжээг зохион байгуулах зардлын тооцоог гуравдугаар хавсралтаар тус тус баталсугай.

3. Дээрх үзэсгэлэн худалдаанд шаардагдах зардлыг аймгийн Засаг даргын үйл ажиллагааны хөтөлбөрийг хэрэгжүүлэх зардлаас санхүүжүүлэхийг Санхүү төрийн сангийн хэлтсийн дарга (С.Нямдаваа)-д, захирамжийн хэрэгжилтэд хяналт тавьж ажиллахыг ажлын хэсгийн ахлагч (Э.Мөнх-Эрдэнэ)-д даалгасугай.

ЗАСАГ ДАРГА



Ц.ЧОГСОМЖАВ

• 231011111



АЖЛЫН ХЭСГИЙН БҮРЭЛДЭХҮҮН

Ажлын хэсгийн ахлагч:	Э.Мөнх-Эрдэнэ	Аймгийн Засаг даргын тамгын газрын, Хөгжлийн бодлого, төлөвлөлт Хөрөнгө оруулалтын хэлтсийн дарга
Нарийн бичгийн дарга:	Ж.Энх-Амгалан	Хүнс, хөдөө аж ахуйн газрын дарга
Гишүүд:		
	Д. Өнөрцэцэг	Аймгийн Засаг даргын Тамгын газрын Нийгмийн бодлогын хэлтсийн дарга
	С. Нямдаваа	Аймгийн Засаг даргын Тамгын газрын Санхүү, төрийн сангийн хэлтсийн Дарга
	М. Шүрэнцэцэг	Хэрлэн сумын Засаг дарга бөгөөд Чингис хотын захирагч
	Б. Сүнгээ	Мэргэжлийн хяналтын газрын дарга
	Г. Нэргүйбаатар	Биеийн тамир, спортын газрын дарга
	Г. Батгэрэл	"Хэнтий-Ус" ХХК-ий захирал
	Т. Баяржаргал	Аймгийн ЗДТГазрын ЗААТасгийн Дарга
	О. Гомбобаатар	"Өндөрхаан хот тохижилт" ОНТҮГ-ын Захирал
	Л. Мэндбаяр	Эрүүл мэндийн газрын дарга
	Д.Батхүү	Цагдаагийг газрын дарга
	С. Болд	Багануур Зүүн өмнөд бүсийн ЦТС ТӨХК-ийн Хэнтий ЦТСС-ын дарга
	М.Урандолгио	Аймгийн Засаг даргын тамгын газрын Хөрөнгө оруулалт, хөгжлийн бодлого төлөвлөлтийн хэлтсийн мэргэжилтэн



Аймгийн Засаг даргын 2022
оны 09 дугаар сарын 13-ны
дугаар захирамжийн хоёрдугаар хавсралт

“ХЭНТИЙН НАМРЫН БАЯР-2022” ҮЗЭСГЭЛЭН ХУДАЛДААГ ЗОХИОН ЯВУУЛАХ АЖЛЫН УДИРДАМЖ

2022.09.02

Чингис хот

Нэг. Удирдамжийн зорилго

Монгол улсын Засгийн газрын болон аймгийн Засаг даргын мөрийн хөтөлбөрийг хэрэгжүүлэх, орон нутгийн бизнес эрхлэгчид, малчид, тариаланчдын үйлдвэрлэсэн бүтээгдэхүүнийг олон нийтэд сурталчилан таниулах, бизнесийн түншлэлийг тогтоох, хүн амыг чанартай, стандартын шаардлага хангасан бүтээгдэхүүнээр хангах, аймгийн брэнд бүтээгдэхүүнийг тодруулахад чиглэгдэнэ.

Хоёр. Хугацаа

“Хэнтийн намрын баяр-2022” үзэсгэлэн худалдаа 2022 оны 09 дүгээр сарын 16-17-ны өдрүүдэд Чингис хотын төв цэнгэлдэх хүрээлэнд зохион байгуулагдана.

Гурав. Үзэсгэлэн худалдааны төрөл, шалгаруулах журам

“Хэнтийн Намрын баяр-2022” нэгдсэн арга хэмжээнд “Эрүүл хүнс-2022”, “Шинэ ургац-2022”, “Нэг суурин-Нэг бүтээгдэхүүн” үзэсгэлэн худалдаа тус тус зохион байгуулагдана.

“Эрүүл хүнс-2022” үзэсгэлэн худалдаанд шилдэг сүү, сүүн бүтээгдэхүүн, мах, махан бүтээгдэхүүн, гурил, гурилан бүтээгдэхүүн үйлдвэрлэгч гэсэн 3 төрлөөр шалгаруулна.

“Шинэ ургац-2022” үзэсгэлэн худалдаанд оролцогчдоос шилдэг ногоочин-3, даршилж ногоо, боловсруулсан жимс, жимсгэнэ төрлөөр тус бүр 1, нийт 5 төрлөөр шалгаруулна.

“Нэг суурин-нэг бүтээгдэхүүн” үзэсгэлэн худалдаанд шилдэг мод, модон эдлэл, гар урлал, бэлэг дурсгалын бүтээгдэхүүн, оёмол бүтээгдэхүүн, арьс ширэн эдлэл, брэнд бүтээгдэхүүний багц, шинэ санаа шилдэг бүтээл зэргийг шалгаруулна.

Дөрөв. Сум сурталчилах арга хэмжээ

“Хэнтийн намрын баяр-2022” нэгдсэн арга хэмжээний хүрээнд Баян-Овоо, Биндэр сумдууд орон нутгийнхаа онцлогийг харуулсан сум сурталчилах арга хэмжээг зохион байгуулна. Үзэсгэлэн худалдаанд оролцогчид амны хаалт, гар ариутгагчтай оролцуулна/

Тав. Хамрах хүрээ

Хэнтий аймаг үйл ажиллагаа явуулдаг сум, тосгон, албан байгууллага, аж ахуйн нэгж, иргэд.

Зургаа. Гаргах үр дүн

Төв суурин газрын иргэд хөдөлмөрчдийг эрүүл, аюулгүй экологийн цэвэр бүтээгдэхүүнээр хангаж, үйлдвэрлэгчид харилцан туршлага солилцож, иргэдийн бүтээгдэхүүн борлуулалтын хэмжээ болон орлого нэмэгдэж нутгийн брэнд бүтээгдэхүүн бий болсон байна.

**“ХЭНТИЙН НАМРЫН БАЯР-2022” ҮЗЭСГЭЛЭН ХУДАЛДААНД
ИДЭВХИ САНААЧЛАГАТАЙ ОРОЛЦСОН СУМДЫГ
ШАЛГАРУУЛАХ ЖУРАМ.**

2022.09.02

Чингис хот

Нэг. Зорилго

Аймаг орон нутгаас зохион байгуулж буй арга хэмжээнд идэвх санаачлагатай оролцож сум орноо сурталчлан нутгийн брэнд бүтээгдэхүүнээ олон нийтэд таниулах, худалдан борлуулах аж ахуйн нэгж, иргэдийг өргөнөөр оролцуулахад бусдыгаа манлайлан оролцсон сум, хамт олныг дэмжихэд чиглэгдэнэ.

Хоёр. Шалгуур үзүүлэлт

1. “Нэг суурин нэг бүтээгдэхүүн”, “Эрүүл хүнс-2022”, “Шинэ ургац-2022” зэрэг үзэсгэлэн худалдааг сум орон нутагтаа зохион байгуулж тайлан ирүүлсэн байх.
2. Сум орон нутгийн онцлогийг харуулсан самбар танилцуулгатай байх.
3. Хүнсний бүтээгдэхүүн үйлдвэрлэж худалдаалж иргэн, аж ахуйн нэгжүүд нь худалдаа үйлчилгээ хийх зориулалтын хувцас, малгай, бээлийтэй байх ба амны хаалт, гар ариутгагчтай байж байнгын ариутгал хийж ажиллах
4. Сумдын жагсаал болон бусад арга хэмжээнд нэгдсэн зохион байгуулалттай оролцох.

Гурав. Дүгнэх журам шагнал

Шалгаруулалтыг салбар комисс явуулах ба дээрх шалгуур үзүүлэлтүүдийг харгалзан дүгнэнэ. Идэвх санаачлагатай, зохион байгуулалттай оролцсон сумдыг 1,2,3 дугаар байр эзлүүлэн цом, өргөмжлөл, мөнгөн шагналаар шагнана.

Дөрөв. Тавигдах шаардлага

“Нэг суурин-нэг бүтээгдэхүүн”, “Эрүүл хүнс-2022”, “ Шинэ ургац-2022” үзэсгэлэн худалдаа 2 өдөр үргэлжлэх тул бэлтгэлийг сайтар хангаж, бүтээгдэхүүний нөөцтэй ирэх. Үзэсгэлэн худалдаанд оролцогчдын бүтээгдэхүүн тээвэрлэх, ирэх очих зардлыг тухайн сум орон нутаг, иргэн, аж ахуйн нэгж өөрсдөө хариуцна.

**“ШИНЭ УРГАЦ-2022” ҮЗЭСГЭЛЭН
ХУДАЛДААНЫ ЖУРАМ**

2020.09.02

Чингис хот

Нэг. Зорилго

Монгол улсын Засгийн газрын 2017 оны 278, 223 дугаар тогтоолоор батлагдсан “Хүнсний ногоо”, “Жимс, жимсгэнэ” хөтөлбөр, аймгийн Засаг даргын бодлого шийдвэрийг хэрэгжүүлэх, аймгийн төвийн хүн амын төмс, хүнсний ногооны хэрэгцээг хангах, аж ахуйн нэгж, өрхийн үйлдвэрлэгчдэд дэмжлэг үзүүлэх, бүтээгдэхүүнийг худалдан борлуулах.

Хоёр. Тавигдах шаардлага

1. Үзэсгэлэн худалдаанд оролцож буй иргэн аж ахуйн нэгж нь өөрийн орон нутгийн хөрсөнд тарьж ургуулсан бүтээгдэхүүнээр оролцох ба үйл ажиллагаагаа сурталчилсан самбар, үзүүлэн бэлдэж ирнэ.
2. Худалдан борлуулах бүтээгдэхүүн нь гарал үүслийн гэрчилгээтэй, баталгаажуулсан, гэмтэл согоггүй, өвчин, хортон шавьжид нэрвэгдээгүй органик бүтээгдэхүүн байна.

Гурав: Шалгаруулах журам, шагнал

1. Сум бүр үзэсгэлэн худалдаанд оролцох шилдэг нэг ногоочны тодорхойлолт материалыг 2 хоногийн өмнө ирүүлсэн байна.

2. Сумаас ирүүлсэн материалыг комиссын гишүүд үзэж танилцан шилдэг 3 ногоочныг тус тус шалгаруулан өргөмжлөл мөнгөн шагналаар шагнана. /шалгуур үзүүлэлтэд тариалсан талбайн хэмжээ, тарималын нэр төрөл, хураан авсан ургац, өмнөх оны ажлын үзүүлэлтүүдийг харгалзан үзнэ/

3. Чанар стандартын шаардлага хангасан сав баглаа боодолтой даршилж боловсруулсан жимс, жимсгэнэ, даршилж боловсруулсан хүнсний ногоог тус тус 1-ийг шалгаруулж өргөмжлөл, мөнгөн шагналаар шагнана.

Дөрөв. Бусад

Үзэсгэлэн худалдаанд оролцох иргэн, аж ахуйн нэгж нь бүтээгдэхүүний нөөцтэй, худалдан борлуулахад шаардагдах материалыг сайн хангаж ирнэ.

“ЭРҮҮЛ ХҮНС-2022” ҮЗЭСГЭЛЭН ХУДАЛДААНЫ ЖУРАМ

2022.09.02

Чингис хот

Нэг. Зорилго

“Хүнсний тухай” болон “Хүнсний бүтээгдэхүүний аюулгүй байдлыг хангах тухай” хуулийг сурталчилан таниулах хүн амын хүнсний хангамжийг нэмэгдүүлсэн аж ахуйн нэгж, иргэдийг урамшуулах, хөдөлмөрийг нь үнэлэх, аймаг сумдын шилдэг бүтээгдэхүүнийг тодорхойлох, эрүүл ахуйн шаардлага хангасан бүтээгдэхүүний амт, чанарыг олон нийтэд сурталчилан таниулах, худалдан борлуулах зорилготой.

Хоёр. Үзэсгэлэн худалдаанд оролцогчдод тавигдах шаардлага

1. Үзэсгэлэн худалдаанд оролцож буй иргэн, аж ахуйн нэгж нь эрүүл ахуйн шаардлагыг бүрэн хангасан, сав, баглаа, боодолтой, таних тэмдэг бүхий ялгах энгэрийн тэмдэг, өөрийн бараа бүтээгдэхүүний шинж чанар, давуу талуудыг тодорхойлсон танилцуулга, үзүүлэн зурагт самбар зэргийг бэлдэж хүнсний худалдаа үйлчилгээ явуулах зориулалтын хувцас, малгай, бээлийтэй худалдаа үйлчилгээ явуулсан байх.

Гурав. Шалгаруулах журам, шагнал

Эрүүл аюулгүй хүнсний бүтээгдэхүүн бэлтгэх зорилгыг хэрэгжүүлэхэд дараах шаардлагыг хангасан байна. Үүнд:

1. Бэлтгэсэн цагаан идээ нь ариун цэвэр, эрүүл ахуйн шаардлагыг бүрэн хангасан байна.
2. Үзэсгэлэн худалдааны шалгаруулалтанд оролцуулах хүнсний бүтээгдэхүүн нь зориулалтын сав баглаа боодол, шошготой байна.
3. Чанар стандартын шаардлага хангасан сүү, сүүн бүтээгдэхүүн, гурил гурилан бүтээгдэхүүн, мах махан бүтээгдэхүүнийг шалгаруулан өргөмжлөл, мөнгөн шагналаар шагнана.

Тав. Тавигдах шаардлага

Үзэсгэлэн худалдаанд оролцох аж ахуйн нэгж, иргэд нь бүтээгдэхүүний нөөцтэй, зах зээлд бүтээгдэхүүнээ худалдан борлуулахад тавигдах шаардлагыг бүрэн хангаж ирэх.

**“НЭГ СУУРИН - НЭГ БҮТЭЭГДЭХҮҮН”
ҮЗЭСГЭЛЭН ХУДАЛДААНЫ ЖУРАМ**

2022.09.02

Чингис хот

Нэг. Зорилго

Орон нутгийнхаа боломж, давуу талыг ашиглан байгальд ээлтэй, шинэ болон уламжлалт технологи, өрсөлдөх чадвар бүхий нутгийн брэнд бүтээгдэхүүн үйлдвэрлэл, үйлчилгээний санаачлагыг өрсөлдүүлэн шилдэг брэндийг шалгаруулж дотоод, гадаадын зах зээлд нэвтрүүлэх, орон нутгийн шилдэг брэнд /нэрийн/ бүтээгдэхүүнтэй болоход дэмжлэг үзүүлэхэд оршино.

**Хоёр. Үзэсгэлэн худалдаанд оролцоход
тавигдах шаардлага**

1. Үзэсгэлэн худалдаанд оролцох аж ахуйн нэгж, иргэд нь стандартын сав баглаа боодолтой эрүүл ахуйн шаардлага хангасан байна.
2. Өөрийн бараа бүтээгдэхүүний шинж чанар, давуу талуудыг тодорхойлсон танилцуулга, үзүүлэн самбар зэргийг бэлдэж нийтэд дэлгэн үзүүлэх
3. Шинэ санаа, хүний эрүүл мэндэд ээлтэй ЭКО чанарыг агуулсан байна.
4. Ижил төрлийн бараа бүтээгдэхүүнтэй харьцуулахад онцлог шинжээрээ ялгарахуйц буюу хэрэглэгчийн таашаалд нийцэхүйц байх

Гурав. Шалгаруулах журам, шагнал

Дээрх шаардлагыг хангасан шилдэг мод, модон эдлэл, гар урлал, бэлэг дурсгалын бүтээгдэхүүн, оёмол бүтээгдэхүүн, арьс ширэн эдлэл, брэнд бүтээгдэхүүний багц, шинэ санаа шилдэг бүтээл зэрэг бүтээгдэхүүнийг шалгаруулан өргөмжлөл, мөнгөн шагналаар шагнана.

Дөрөв. Тавигдах шаардлага

Үзэсгэлэн худалдаанд оролцох иргэн, аж ахуйн нэгж нь бүтээгдэхүүний нөөцтэй, зах зээлд бүтээгдэхүүнээ худалдан борлуулахад тавигдах шаардлагыг бүрэн хангаж ирэх.

Аймгийн Засаг даргын 2022
оны 09 дугаар сарын 15-ны
01462 дугаар захирамжийн гуравдугаар хавсралт

“ХЭНТИЙН НАМРЫН БАЯР-2022” НЭГДСЭН АРГА
ХЭМЖЭЭНИЙ ЕРӨНХИЙ ЗАРДЛЫН ТООЦОО

№	Зардлын нэр	Хэмжих нэгж	Тоо ширхэг	Үнэ	
				Нэгж мян/төг	Бүгд үнэ Мян/ төг
1	Цом	ш	1	150.0	150.0
2	Анонс	м2	3.5x6.5	13.0	296.0
3	Өргөмжлөл	ш	3	30.0	90.0
4	Шилдэг сум I байр		1	300.0	300.0
5	Шилдэг сум II байр		1	250.0	250.0
6	Шилдэг сум III байр		1	200.0	200.0
7	“Эрүүл хүнс-2022” үзэсгэлэн худалдаа				390.0
8	“Шинэ ургацын баяр-2022” үзэсгэлэн худалдаа				650.0
9	Нэг суурин нэг бүтээгдэхүүн				650.0
10	Бусад			24.0	24.0
НИЙТ ДҮН					3.000.000